



05.november 2020

UKA2020/165

**Nunat Avannarliit Killiit Siunnersuisoqatigiiffiata Savalimmiuni, Kalaallit Nunaanni Islandimilu Naalackersuisunut kaammattuutigaa suleqatigiillutik suleqatigiissitamik nunat avannarliit killiit niperujoorutaannik erinarsuutaannillu nuutilersukkanik saqqummersitsinissamut katersuisussamik ilisimasalinnik susassaqartunik ilaasortalimmik pilersitseqqullugit. Nunani pingasuni taamatut saqqummersitsinissamut aningaasartuutissat suleqatigiissitap qulaajassavaattaaq.**  
(Aallartitat siulittaasuat Vivian Motzfeldt)

Nunat avannarliit killiit tassaavugut inuiaat immikkuullarissut. Immikkuullarissuteqarnitta ataatsimoorfigisarisaat tassaavoq nunarsuarmioqatititsinnit avinngarusimanerunitta kingunerisaa tassaavoq erinarsuutivut, nerisavut, piniakkavut, ileqqorsuutivut aammalu inooriaaserput allarlunnaallunilu inuunitsinni ullutsinnut sulii annertuumik pingaartinneqarluni kinaassutsitsinnik ilisarnaataavoq.

Kalaaliusugut ileqqorsuutivut tammariartorput qularutigingilaralu Island-ermiut Savalimmiormiullu aamma arlaatigut ernummateqassapput ileqqorsuutigisamik erinarsuutimilu eriaginissaanut immikkut iliuuseqartoqartariaqarneranik.

Nipilersuutit aammalu ileqqorsuutit allallumi internettikkut youtube-kullu imaaliillaannaq ullumikkut appisimaartalernikuuavut. Nammineerlunga uanga cd-nik atuisaarnikuuvunga aammalu pisisaarnikuullunga. Suna tamaat internettikkut pivoq aammalu takorloorsinnaavara siunissami sulii atortorissaarutit taakku atorlugit aliikkutassat tamarmik piulerumaartut atorineqalerumaartullu.

Nipilersortartut amerlalluinnartut aamma nunaqqativut ullumikkut cd-mik saqqummersitsiniarnissamut siunissami aqqutissaasutut isigiunnaaraluttuinnarnerat ilisimavarput. Aqqutit Spotify, youtube allatigullu aqqutissatut isiginnittoqarpoq, aammalu tassunga allatuulli unammillertuuniarunik saqqummersitsinissamut prof-iusumik atortorissaaruteqarnissaq kissaatigigaluttuinnaraat ilisimaaraarput.

Isuma ileqqorsuutit nipilersukkallu katiterneqarnissaat isumaqatiginaqaaq. Nunat avannarliit killiit ilisarnaativut, pingaartitavut aammalu eriagiumasavut ataatsimoortillugit suliarineqarnissaannut tapersiivugut. Isumaqaataavugullu aamma naalackersuisut oqarnerinut tassalu nualluussuup aammalu aningaasatigut unammilligassavut oqiliimippata suliniarnermut nukissat atorineqassasut.

Taamatut oqaaseqarluta kultureqanermut ataatsimiititaliamut ingerlateqqillugu tapersiivugut.